

清·同治十年重刊本  
陳壽祺等撰  
中國省志彙編之九

# 福建通志

(一)

華文書局股份有限公司印行

重刊福建通志序

國家

列聖相承湛恩汪濊濡羣生而閩省為東南之隩區澎湖臺灣皆入版圖仰

聖化官斯土者固宜考其山川按其圖記舉凡吏治民風軍儲鹽筴實事求是整齊而化導之不僅徵文獻以示淹

上御極之三年 英桂 恭膺

簡命專閩閩置自津門乘海舶而南歷觀島嶼之縱橫波瀾之壯澗由五虎門而抵榕垣關隘森嚴洵稱天險其時軍書旁午徵兵籌餉按圖籍而知形勢之宜幸賴

聖天子神武光昭各援軍秉承

廟算全閩肅清嗣後疊奉

恩綸三權督篆戊辰之春復拜真除總制之命勤求治理於今三載矣每考戶口之數賦稅

之經營制鹽法之變通今昔各殊亦時勢使然也方今萬邦歸化中外一家航海梯山貢琛互市閩為海口一都會嘗欲廣為蒐輯勒成一書以宣揚

聖德為講明吏道者有所簡稽惜簿領倥偬未

暇也粵考乾隆二年福建通志始有成書三十三年又續修若干卷道光十年孫文靖公韓雲舫中丞

奏請開局續修旋因經費不敷暫行停局十九年魏麗泉中丞權督篆時書甫脫稿閱二十八年吳仲宣制軍李星衢中丞莅閩因紳士之請籌款校刊今適工竣請為弁

言英桂方請

覲求

章聞中戎政海防官方民瘼謹當入

告述職數陳願與二三君子體

聖主慎重海疆之意休養生息翊贊

昇平酌古準今懷柔撫字紓

朝廷宵旰之勤躋斯民於仁壽臻域有厚望焉

三

同治辛未季春穀旦閩浙總督英桂謹譔



重纂福建通志序

粵自

國朝雍正間

世宗憲皇帝詔天下督撫修志書於是各省通志次

第告成而福建通志於乾隆二年始纂輯成

書恭呈

御覽

序

四庫全書著錄焉至三十三年又修續志而閩

之事蹟盖略備矣

國家重熙累洽自乾隆以來幾及百年疆域之

沿革形制之變遷不能無今昔之不同於是

道光九年又有重纂之舉考其時秉筆者為

陳恭甫太史太史出吾鄉阮文達之門深於

經術所著五經異義疏證左海經辨左海文

集文達皆采入

皇清經解中其學問根柢猶有乾嘉老輩之遺故

發凡起例具有體要惜以經費不敷甫作旋

輟中間又延鳳池書院山長魏和齋太史纂

校至道光之末始稍有端緒盖成書若斯之

難也刊刻未竟以軍興中止同治六年吳仲

宣制府李星衢中丞莅閩因紳士之請乃籌

本

二

巨貲登全書於版及九年秋凱奉

命撫閩而是書剞劂歲事幸得受而讀之局中諸

君請弁言於簡端凱泰於是書樂觀厥成而

已尚矣云頌念閩省負山襟海乃東南一大

都會也覽斯編者仰

聖謨之廣運撫戶口之殷繁於學校經籍宜思所

以振起人文於職官名宦宜思所以澄清吏

治於田賦鹽法宜思所以興利而除弊於海  
防闕隘宜思所以因時而制宜語有之不習  
為吏視已成事省之有志固得失之林考鏡  
之資也願與我同官諸君子孜孜焉日夕講  
求於

國計民生務期保泰持盈有備無患以上副  
聖天子簡畀之重而眷海隅蒼生同游於熙皞之

宇此則我

序

三

憲廟詔修直省通志之本意也若徒以備海疆之掌  
故供文人學士之取材抑未矣夫  
同治辛未仲夏撫閩使者寶應王凱泰謹撰



謹啟

國朝福建通志始成於乾隆二年凡七十八卷  
繼修於乾隆三十三年凡九十二卷前後  
承修者謝古梅沈荻林諸老典型尚有如  
見其人焉道光八年戊子貢院工成九年  
以餘貲開志局其時 陳恭甫師主講龍  
峯兼志局總纂 師固海內經師同局亦

序

一時才雋若使老手章成如 阮文達師  
之定廣東通志夫豈淺聞小吏所能及哉  
無何費絀局停哲人旋萎乃有異己者紛  
紜聚訟且分攘稿本去而四百卷遂殘缺  
矣至十五年乙未當軸延 魏和齋先生  
續成之維時難於經費弗克開局采訪  
先生一鳳池院長耳僅得邀親友數人襄

其事心力財力可云兩盡間有旁參未議  
者 先生素長厚不敢盡疑其私也然則  
此書之大概可知矣稿既定麟都轉捐蚨  
二千串助刊以侯邑侯董其役侯委之吏  
寄刊於溫陵賤工既無校錄之才爭漁工  
料之利刻未半而貲罄矣事遂中止予局  
外人也見見聞聞何無何有顧竊念 師

序

二

與 先輩精力俱萃於此且自乾隆計至  
道光已八九十載矣文獻之徵必資舊典  
倘任其朽蠹莫與護持後之人即欲蒐羅  
何所資而加損益乎懷斯念也久與低昂  
惟恐莫償所願適於同治五年歸自六詔  
正誼書院新設承乏講席時與 鉅公過  
從因以刻志商之 吳仲宣制府 李星

衢中丞請撤爛板剞劂一新 二公欣然  
且詢予曰舊稿僅及道光十餘年來民亦  
小息何不續修予應之曰難不惟人才難  
經費先難兵燹之後采訪亦正非易局開  
必曠時日作事謀始何如 中丞曰然則  
先刻舊志再修新志可乎予諾之 二公  
商之 鄧雙坡方伯慨籌刻貲卽於書院

序

三

設局 幕府會檄提調隨事就商並致公  
函屬予裁定予何敢哉此書之成也不易  
今 先生 先進旣往嗟予小子聿觀厥  
成忻幸而已局中分校仍以書局舊友十  
餘人充之其總校林戟門刺史王子希徵  
君皆予舊好也因相與議曰此局專爲校  
刊非同修纂時不可失未宜再誤至全稿

是否義例精詳考證切實後有作者自能  
討論我輩切勿謬參筆削之權先蹈文人  
相傾陋習局設於同治戊辰夏月歲事於  
辛未三月其所以遲至三年者會城少業  
手民業此者半鈍而拙全志二百七十八  
卷以十餘人之力勘朽爛之稿校抄校刊  
覆核至三四徧視書局所刻正誼堂全函

序

四

四百七十八卷校者百人且徵匠於南郡  
歲餘而後竣役其勞逸固易見矣志書成  
提調請列名裁定予不敢同人請弁一序  
予亦不敢此舉也 諸鉅公之大有造於  
閩 諸君子襄事之力也予何功焉惟念  
物有本末事有終始今旣樂觀此編之終  
不可不原其始走筆直書顛末不覺其言

之長焉

同治十年辛未五月舊史官侯官林鴻年  
記於正誼書院之藹吉軒





序



五















北至師達一千七百二十一里  
北至師達一千七百二十一里  
北至師達一千七百二十一里

# 關隘古寨疆域圖

# 龍巖州山險水道

每方二里三表十  
每方二里三表十  
每方二里三表十

界一百五十五里

北至汀州府連城

界一百五十五里

